

## Jej ɭoor Jisōs Kraist

**Eɭtōr Quentin L. Cook**

*Jān Doulul eo an Joñoul Ruo Rijilōk ro*

**Jej lañlōn kōn aoleppen men ko Irooj eaar kōmṃmani nān kōj. Eaar kōmṃman bwe en pidodo nān kōj wōj kajjojo nān bōk lomōr im ṃōṃōṃō.**

Ej juōn eddo aorōk nān kōnono ilo Jabōt in Ijtō in nān Armej ro Rekwojarjar ilo Raan kein Āliktata aolepen laɭ in ro rej iakwe Irooj im Rilōmōr, Jisōs Kraist. Jej ṃōṃōṃō ilo jibboñ in kōn anjo eo An ioon mej. Jej kaorōk meɭeɭe eo ad im eñjake būruwōn kaṃoolol nān ṃōṃōṃō eo an Rilōmōr eo nān pinmuur in karmejete eo ilo etad wōj. Ajeɭok eo An nān an kilaan Jemen eaar ilo kwojarjar anjo ioon mej im ej bwebwenato eo eɭaptata ilo bwebwenato an armej. Ij kaṃoolol kōn iien in emṃan nān kōnono kōn ɭoor Rilōmōr eo.

Raan ko ruo āliktata in jermal in kwaɭok an Rilōmōr eo ilo mour eo ṃokta jān debwāal eo raar lukkuun aorōk im ilo jet wāween ko eɭap jān keidi nān e. Ekanooj in lōn tae o ej aorōk nān mejān kajjik eo ad indeeo kar waɭok ilo Taije innem Bōɭaide, raan eo Kraist kar debwāal. Kōjota eo Āliktata, Kwojkwoj in Kijoone eo, "... jutak eo an iien kakememej eo an Israel diwōjɭok jān kōṃakoko,"<sup>1</sup> kar jino ilo Taije jota. Kaiñ ko im katak ko kōn aorōk ko reɭap raar jino ilo Kōjota eo Āliktata. Inaaj kwaɭok wōt jilu. ṃokta, Rilōmōr eo ej kwaɭok kadkad in kaiñ eo an kwojkwoj. E eaar bōk pilawā eo, ruje, jar kake, im kar leto letak nān rikaɭoor ro An im ba, "Men in ānbwinniō eo leɭok kōn kom; kōmṃman men in ilo ememej Eō."<sup>2</sup> Ilo jōkjōk in E eaar jino kwojkwoj eo. Karuo, An āliji katak ko katakin kake kōn iakwe āinwōt pedped eo emṃan tata. E eaar katakin, "Ilo men in armej otemjej renaaj jeɭā bwe komij rū kaɭora, eɭañne komij iakwe doon."<sup>3</sup> Kajilu, kōn medek ak tōl eo an Kraist, "Jetōb Kwojarjar kar kallimur nān rijillōk ro"<sup>4</sup> āinwōt bar juōn rikaenōmṃman.

Tokālik Rilōmōr eo eaar kōtōprak pinmuur eo. E eaar bōk ioon Make "eddo eo an jerawiwi ko an armej" im "mijak ko Satan . . . emarōñ kar kwaɭoki."<sup>5</sup> Ilo wāween in E eaar niknik kōn mālijoñ ko repōd im naan im iien ko rōkabūromōjṃōj me rej tōl ɭok nān debwāal eo An. Jemɭok eo āliktata in anjo eo an Kraist ilo jerkakpeje eo ilo Jabōt in Easter eo. Kraist eaar kakūrṃool mijen ekwojarjar eo An āinwōt Rilōmōr im Ripinmuur. Jenaaj jerkakpeje jān mej im jetōb ko ad renaaj bar koba ippān ānbwin ko ad. Pedped wōt ioon erre eo an juōn make jemaroñ kōn meanwōd eo An, bōk iien ko raiboojojo nān bar deɭōne ɭok imāan mejān Anij.<sup>6</sup>

Rikaanan Joseph Smith, eaar kōnono iien kein ilo Easter me ej kab ṃōj aō kar kwaɭoki eaar ba, "Pedped ko raorōktata ilo Kabuñ eo ad rej naan in kaṃool ko an Rijillōk ro im Rikaanan ro, rejelōt Jisōs Kraist, bwe E eaar mej, im kar kalbwini, im jerkak bar juōn alen ilo raan eo kein kajilu, im wallōnɭok nān lañ; im aoleppen men ko jet me raar epaakelok nān Kabuñ eo ad rar dikɭok wōt nane."<sup>7</sup>

Ilo iien eo jej lemōṅōṅō kōn aorōk kwojarjar eo an Gethsemane im Calvary, kōlmenḷokjeṅ eo ad aolep iien ej kōn kar jerkakpeje eo an Irooj. Frederic Farrar, ripalle eo ej katakin kōn baibōḷ im ritōmak, kar kaṃool bwe epepen ko imaan tata in ritōmak ro ilo Kabuñ eo an ri Kraistin ro raar kaṃoolol kōn Rilōmōr eo āinwōt “... eo eaar Jerkak, eo ej Indeeo, Kraist eo Eaiboojoj,” im, kar ḷōmṅak kōn E, ejjab āinwōt ioon debwāal eo, bōtaab āinwōt ioon Tirōṅ eo; . . .”<sup>8</sup>

Būreejtōn Hickley eaar katakin bwe ennaan eo ad nān laḷin ej bwe E mour! Kōkaḷḷe eo an Armej Ro Rekwojarjar ilo Raan kein Āliktata naaj maroñ loe ilo paaktokin ad tōmak im wāween ad mour kōn kōjpeḷ eo An.<sup>9</sup>

Ilo ad kōlmenḷokjeṅ ta meḷeḷe in nān erom ri Rikūrijin ro rainin, ḷōmṅak kōn iaḷ eo ad kōn rikaḷoor eo naaj aikuji jān kōj. Ij ḷōmṅak bwe jān ḷōmṅak im ilo wāween ko rejejjēt ḷoor waanjoñak kōn ta eo Rilōmōr eo eaar kōmṅane ilo raan ko ruo āliktata in An mour ilo mour in.

Mokta, ḷōmṅak kōn kōmeḷeḷe eo an Rilōmōr eo kōn kwojkwoj eo. Rilōmōr eo eaar jeḷā ta eo eaar itōn kar waḷok nān E. Mijen in pinmuur eo An ekwojarjar ej jino kōn pata eo ilo lañ ilo mour eo mōkta eaar jino in bōk jikin bwe joten eo im raan eo juōn. Nān kiiō kōn mālijjoñ ko jān rikōjdrat ro An raar jino in waḷok, ejjeḷok wōt nān jidik kein kaṃool E eaar kōpooj juōn kein kattōrak ṅae jab ṃool in bae ṅae ko. Ijellokin Rilōmōr eo kōmeḷeḷeik kaiñ eo ekwojarjar an kwojkwoj eo nān rikaḷoor ro An. Ilo aō kōlmenḷokjeṅ bwe iien eo eaorōk, eñjake ko aō emṅwilaḷ aer imṅwe. Kweilok in kwojkwoj eo ej kweilok eo aorōk im kwojarjar iaan aolep kweilok ko ilo Kabuñ in. Ālkin jerkakpeje eo An, Rilōmōr eo eaar jino kwokwoj eo ibwilijin ri Nipai ro.<sup>10</sup> Eḷaṅṅe jej kōṅnaan erom An rikaḷoor im nān erom ro uwaan Kabuñ in jej kallimur, jej aikuji kememej im kautiej kwojkwoj eo. Ej kōtḷok bwe jān kwaḷok bōro ko re rub im jetōb ko rettā ikrelel eo ad nān ḷoor Rilōmōr eo, nān ukweḷok im erom juōn armej kwojarjar kōn pinmuur eo an Kraist.<sup>11</sup> Kwojkwoj eo ej kōtḷok bwe jān kaṃool nān Anij bwe jenaaj kememej Nejin im kōjparok kien ko An ilo ad kōkāal bujen in peptaij eo ad.<sup>12</sup> Menin ej kōḷapḷok iakwe eo ad im kaṃoolol nān jimōr Jemed im Nejin.

Rilōmōr eo eaar barāinwōt kalikkar iakwe im ippān doon im kwaḷok bwe jej aikuji jeḷā kajied āinwōt rikaḷoor ro An eḷaṅṅe jej iakwe doon. Nē jej kōlmenḷokjeṅ kōn Pinmuur eo An, eaar pojak nān an jino bōke, āinwōt juōn kien aikuji kijejeto ko ad. Jej kwaḷok ad iakwe nān Anij nē jej kōjparok kien ko An im jermal nān ajri ro Nejin. Jejjab lukkuun meḷeḷe kōn pinmuur eo, bōtaab jemaroñ joḷok ad mour kajjioñ in kōḷapḷok iakwe im jouj jekdoṅ ta apañ eo jej eñjake.

Jermal eo Rilōmōr eaar leḷok nān rikaḷoor eo An ej nān iakwe doon—im wāween eo ekaṃōṅōṅō im kajoor E eaar katakin kōn pedped in ilo Kōjota eo Āliktata—ej juōn eñjake ekaburuōmōj im ṃōttan ko raiboojoj jān raan ko āliktata in mour eo An.

E eaar jab katakain juōn kūlaaj in m̄wil em̄man im nana. Eñin eaar Nejin Anij kajjitōk ippān rijillōk ro An im aolep rikaḷoor ro me renaaj kar itok ālkier, n̄an kememej im ḷoor katakin aorōk tata iaan katak ko An. Ekōjkan ad ta im ajel ippān doon ej juōn joñak in ikrelele eo ad n̄an ḷoor Jisōs Kraist.

Ilo ad roñjake ennaan ko ilo kweilōk in jenaaj m̄we ilo būruwōd im kōm̄mane kōttōpar ko im kallimur ko n̄an kōm̄man em̄manḷok. Bōtaab ilo Mande jibboñ jenaaj bar rool n̄an jermal, jikuul, peḷaak ko ad, im n̄an juōn laḷ eo me ilo elōñ jōkjōk ko ej pād ilo aeñwāñwā. Elōñ ilo laḷ in rej mijak im illu ippān bar juōn. Ilo ad meḷeḷe eñjake kein, jej aikuj in jouj ilo kōnono im ilo kautiej ilo ajel ko ad. Menin eḷap an m̄ool n̄e jej jab errā. Rilōm̄or eo eaar katakin kōj n̄an iakwe jekdoon rikōjedat ro ad.<sup>13</sup> ḷap in oran ro uwaan rej roñjake keañ in. N̄an kiiō ewōr jet rej eñjake bwe kwaḷok illu ko aer make ak dāpij ilo m̄wilaḷ ḷōm̄nak ko eḷapḷok ae raorōk jān kōjbwebweik er make āinwōt an Jisōs Kraist kar mour im katakin. Ij kūr kajjojo iaadwōj, kajjojo, n̄an kile bwe ewi joñan ad jab errā ej juōn joñak eo em̄ool kōn wōn kōj eḷañne jej m̄ool in ḷoor Rilōm̄or eo. Ejejjet n̄an jab errā, bōtaab ejjab jejjet n̄an lāaj. Jorrāan im kakkure rejjab uwaak ko n̄an jab errā ko ad. Eḷañne jej kwaḷok iakwe im kautiej jekdoon ilo jōkjōk ko rejjab em̄man, jej lapḷok ad erom āinwōt Kraist.

Kallimur eo an Rilōm̄or kōn Jetōb Kwojarjar n̄an Jōñoul ruo ro ej kōn aorōk eo eḷaptata ilo kile jermal eo aorōktata an Jetōb Kwojarjar eo, eo kein kajilu uwaan Doulul an Anij. Jetōb Kwojarjar ej juōn nememe in armej ilo jetōb, Rikaenōm̄man eo eo ej kwaḷok kamool kōn Jemen im Nejin, ej kwaḷok m̄ool eo an aolep men, im ej kokojarjar ro me rej ukweḷok im peptaij. E ej keidi ḷok āinwōt Jetōb Kwojarjar in Kallimur im kain kapen rōt kein rej em̄man n̄an Anij jermal ko rejim̄we, kaiñ ko, im bujen ko ad kajjojoj.<sup>14</sup> Rej ro rej liāp kōn Jetōb Kwojarjar in Kallimur eo rej bōk aolep men ko ewōr ippān Jemen.<sup>15</sup>

Jej mour ilo juōn laḷ ekauwaroñroñ, ejum̄ae ijo epidodo n̄an lali ak roñjake meḷeḷe ko, al ko, ak meñe men ko renanan ejjeḷok tokjeer enañin aolep iien ruj. Eḷañne jej kōḷnaan wōr im̄we eo an Jetōb Kwojarjar, jaj aikuj bukōt iien n̄an kadikdikḷok, kejōkḷokjeñ, jar, im mour bwe jān erreō n̄an bōk im kipel iion im̄weo ko An. Ej ad maroñ āinwōt ro uwaan n̄an bōk meram im jeḷāḷokjeñ eo jān E jekdoon n̄an raan eo eweppān.<sup>16</sup>

Mālijjoñ in pinmuur eo Rilōm̄or eaar eñjaki ilo Gethsemane im iion debwāal eo, rej waanjoñk ko rem̄man n̄an kōj. E eaar jelmae kaiñtaan ko an kōmālij, ānbwin, im jetōb me raar jej jab maroñ keidi. Ilo Jikin kallib eo E eaar jar n̄an Jemen im ba, “O Jema, eḷañne e maroñeen ilok kab in jān Eō, a en jab ankil Aō, a ankil Am̄.”<sup>17</sup> Āinwōt An rikaḷoor enaaj wōr iien ko n̄e jenaaj kajioñ im kakkure ilo jab jejjet im kajirere ilo jab em̄man im jelmae mālijjoñ ko an kanniōk im jetōb me renaaj āinwōt jepañ būki, im eñjake eo kab eo emeo me jaar jar enaaj kar eḷḷā jān kōj. Ejejeḷok juōn ej jab iion mālijjoñ ko an mour.

Jej kōppopo nān Itok eo Kein Karuo an Rilōmōr eo. Jeje ko rekwojarjar rej kalikkar bwe ejjelōk juōn ejelā nāat menin enaaj waļok. Jeje ko rekwojarjar aet rej jiroñ kōj ilo raan ko āliktata ibwilijin mālijjoñ ko reppen jej eñjaki, enaaj wōr “ ... məkūt-kūt laļ ko, ilo jet āne”<sup>18</sup> im ño ko an lojet renaaj eļļā jān parijet ko aer.<sup>19</sup>

Məkūt-kūt in laļ ko im ño ko reļļap rar waļok jān məkūt-kūt in buļōn dān ko reļļap me rekar waļok ilo āne ko ekoba Chile, Haiti, im aelōn ko ilo Pacific. Jet wiik remōotlok Bisop eo Eutiej H. David Burton, Eļtōr Tad R. Callister im Nā kar maroñ in kweilok ippān Armej ro Rekwojarjar ro raar luuji ro uwaan baamle ko aer itok wōt jān ñoo ko reļļap waļok jān məkūt-kūt in buļōn dān me eaar eotōk rear lele in Samoa Jeptōmba eo ļok. Imōn jar ko raar obrak im eaar juōn kweilok eo ekōbōkkaka. Kōm kar maroñ in kamool nān rein uwaan rerreo bwe kōn pinmuur eo an Jisōs Kraist, remaroñ bar koba ippān ro rejitōnbōr raar jako.

Būreejtōn eo an stake, Sonny Purcell, eaar ettōr kōn wa eo waan ke eaar lo ñoo ko rej itok jān lomālo. E eaar kōjañ jileel in wa eo waan nān ajri ro rej etetal ļok nān jikuul im kar kakkōl er nān ettōr ļok nān ijōko rōutiej im jōkne ilo iien eo emōkaj tata. Ajri ro raar ļoor naan eo an. Eaar ettōrļok ilo inepata, bōk leddik eo nejin 4 an iiō, likūt e ilo wa eo, innem kajioñ in bōk jinen. Mōkta jān an bōk jinen, dān eo eaar kotak wa eo waan im ļukitļok 100 iaat ijo eaar ļorak ilo juōn wōjke. Eaar mōkaj an lelōnļok leddik eo nejin ioon wa eo innem aōō ļok nān lōmōoren jinen eo eaar pādpād ilo juōn raan juōn bar wōjke iturin mweo imōn. Kōn juōn kijejeto eļap eaar aōō ļok ippān nān wa eo im aenōmman. Ejjab lōn ro rejeramman. Eaar ejjelok aer iien nān ilok nān jikin ro reutiej ļok im aenōmman. Elōn raar jako mour ko aer, eļaptata ro reddik im ritto.

Kōm kar jiroñ ļok baamle ko ilo Samoa bwe ro uwaan ipeļaaikin laļin rej kwaļok aer iakwe im nūrbōktak im kar jar kōn er im leļok jipañ ilo jortak in jitļok ko im humanitarian jipañ ko jimor nān ro uwaan im ro riturier. Emool āinwōt nān ro uwaan im ro riturier ilo Chile im Haiti. Jej kōmmane menin kōnke jej ļoor Jisōs Kraist.

Ilo am kar kweilok ippān baamle ko ilo Samoa, aorōk eo ilo jetōb nān kajioñ in erom emmanļok, mour juōn mour emman, im depdep nān kaiñ in lōmōor ko raar emman aer alikkar. Waanjoñak im mour eo an Rilōmōr ej katakin kōj nān ilo jetōb joļok iaļ ko rettā ijo men ko an laļ in rej kajoor ie. Ilo aō idik pā ko pein ro uwaan ālkin kweilok eo am, juōn jejtōr eaar eō kōn baamle eo an ejjañin kart al nān tampeļ im juōn nejier leddik eaar jako. Kōn dān in kōmjaļal eaar ba menin kōttōpar eo aer kiiō eaar nān kōpooj er make nān kaiñ ko rekwojarjar an tampeļ eo bwe ren maroñ pād ippān doon indeeo.

Ke iaar ļōmñak kōn ta eo jejtōr in eaar ba im wāween jōkjōk ko an laļ in rainin, emōj aō kar eñjake emenin aikuj nān kaeñ kom nān kōkōmmanman ļok, jikin kone eo im kōjparok indeeo an tampeļ.

Ilo Jabōt in Ijtō eo, Eprōl 3, 1836, juōn wiik ālkin kōjeram̄man eo an Kirtland Tampeļ eo, Jōnoul ruo eo eaar tōl ilo leto letak kwojkwoj eo an Kōjota eo an Rilōm̄or eo n̄an ro uwaan. Ālkin kweilōk eo eaar kōm̄man jar in kabūrom̄ōj̄m̄ōj̄ eo im an bōro, Rilōm̄or eo eaar waļok ilo kwojarjar n̄an Rikanaan Joseph Smith im Oliver Cowdery im kōn Moses, Elias, im Elijah kar jipañ ilo jepļaatok eo an kii ko jet an priesthood eo ekoba kajoor in liāp kwojarjar eo me ej kobaik baam̄le ko ilo aolepen indeeo.<sup>20</sup>

Rainin ilo jibboñ in Ijtō in jej lem̄ōñōñō ilo aolep ko Rilōm̄or eo eaar kōm̄mani n̄an kōj. E eaar kōm̄man bwe en pidodo n̄an kōj kajjojo n̄an bōk lōm̄or im mour ijo eutie jata. Bōtaab jej, āinwōt ajri in Samoa ro, aiku j in ettōr m̄ōkajļok joñan wōt ad maroñ n̄an ijōko reutie jōk E eaar kōpooj n̄an jikin kōjparok im aenōm̄man.

Juōn iaan wāween ko jej kōm̄mane menin ej kōn ekkejel jōk n̄an katak ko an rikanaan eo ad ej mour, Būreejtōn Thomas S. Monson. Ej juōn waanjoñak ewājepedik an juōn eo ej ļoor Rilōm̄or eo.

Ilo jibboñ in Easter aiboojoj in Ij obrak kōn naan ko raorōk kar jei jān Eliza R. Snow, juōn rikarejar etiljek ilo Jepļaatok eo

*“Ewi joñan an em̄man, aiboojoj, dedeļok,  
Jiñaik ilo kabwilōñlōj an Pinmuur,  
Ijo jim̄we, iakwe, im jouj ioon doon  
Ilo jejjet kwojarjar!”<sup>21</sup>*

Ij kwaļok aō naan in kaṃool āinwōt juōn rijillōk bwe Jisōs Kraist emour im ej Rilōm̄or im Ripinmuur eo an laļ. E eaar kōpooj iaļ eo n̄an m̄ōñōñō em̄ool. Kōn menin Ij kaṃool ilo etan Jisōs Kraist, amen.

#### **KAKEMEMEJ KO**

1. James E. Talmage, *Jesus the Christ*, 3rd ed. (1916), 594.
2. Luke 22:19.
3. Jon 13:34–35.
4. James E. Talmage, *Jesus the Christ*, 603; barāinwōt lale 14:16–17.
5. James E. Talmage, *Jesus the Christ*, 613.
6. Lale 2 Nipai 9:6–24.
7. *Teachings of Presidents of the Church: Joseph Smith* (2007), 49; barāinwōt lale Doctrine and Covenants 20:22–25.
8. Frederic W. Farrar, *The Life of Lives—Further Studies in the Life of Christ* (1900), 209.
9. See Gordon B. Hinckley, “This Glorious Easter Morn,” *Ensign*, Māe 1996, 65–67; “The Symbol of Our Faith,” *Liahona*, Eprōl. 2005, 2–6.
10. Lale 3 Nipai 18:1–11.
11. Lale Mosaia 3:19.
12. Lale Mosaia 18:8–10; Doctrine and Covenants 20:37, 77–79.
13. Lale Matu 5:44.
14. Lale Doctrine and Covenants 132:7.

15. Lale Romans 8:16–17; Ephesians 1:13–14; Doctrine and Covenants 76:51–60.
16. Lale Doctrine and Covenants 50:24.
17. Matu 26:39.
18. Matu 24:7; Joseph Smith—Matthew 1:29.
19. Doctrine and Covenants 88:90.
20. Lale Doctrine and Covenants 110.
21. “How Great the Wisdom and the Love,” *Ai, nōm̄ba*. 195.